

現代十大家詩鈔

第三冊

陳三立詩鈔

上海進步書局印行

陳三立詩鈔

節厂五十生日詩

二十養髭髯。三十狎崖壑。四十前後間。名業出處錯。迄今倏五十。萬仞留一鶚。子初瀝詩書。根柢匪脆弱。通籍慕汲范。正色試鋒鏑。果鍛青雲翹。江海照腰腳。仰天吐吟篇。常嘆在寥廓。浸尋世難。孤隱痛宣木。鐸菁莪飽涵濡。聲實擅楚鄂。大臣人事君。頗亦見拔擢。挺出治亂絲。吏政加纏縛。秋隼不忘擊。豎儒飴鼎鑊。當道問豺狼。抗疏又屢作。極知無所補。聊以慰冥寞。成就拂衣去。偕隱幸踐諾。江之水悠悠。匡山富靈藥。平生互期許。癡念儻有託。吾言不予欺。對荷醞可酌。

十一月二十二日重赴滬於江上作

觀世亦何為。感慶成往還。海濱美遨遊。擾攘車馬間。猥接師友盛。取濯塵土顏。別舸一夢破。射眼江南山。而又迫期會。要約無由刪。踉蹌襪被出。餘看棲鳥閒。旗脚影未收。決窗認沙灣。燕磯壓突兀。金焦迎雨鬢。江光蕩魂氣。俯仰了相關。鷗鷺下笑人。雲水久依攀。自詭殉物變。層累飽憂患。所營值毫毛。支此皮骨頑。霜露白萬里。寒聲動潺潺。劇能暖吾意。殘照留茅菅。

鑑園園客蔡雲卿之婦張仰藥殉其夫主人為徵歌詩張之是以有作

鑑園饒水木。清曠一隅勝。匪惟主人賢。園客共恭敬。引灌鹿車旁。灑掃待花徑。奄忽朝露危。其匹仰藥殉。翔鳥為悲啼。飄葉雨成陣。主人烈此婦。撫歎徵贊評。方今倡民族。社席維泮渙。寅寅昧經教。萬迫詎一應。寓意荆布間。勇決無遺算。情天自慘愛。乃以順性命。扶持靡他私。立國資後勁。茲

事獎方寸尚冀知者聽。我來生疏林。恍惚影蓬鬢。松梅鬱寒姿。淮流對如鏡。中激怪變腸。熟睇孤雲淨。

除日祭詩和劍丞

奎蹄緣蠕蠕。不避得沃滅。棘叢飛翻翻。不成網罟設。震壤著大羣。顛擗得跛蹙。指掌白馬歲。災變固已烈。四張麒麟楨。輝我炎黃國。憲法頓輸灌。合彼海裔輟。假以資洵洵。靈電詭一擲。吾哀汎江湖。向人有瘡舌。刺取賸餘景。咀嚼吐楮墨。且哦且自羞。公禽啾微雪。歸歟收視聽。蛇尾亦赴穴。瞽君祭詩作。哀鏘碎冰鐵。所極弄窈冥。覓數靈草悅。揚我縷縷氣。澹與蜃樓結。雲龍逐東野。古淚復誰咽。猛挈日月開。劃照心頭血。

為小魯題湘江訪舊圖

驥老愈戀羣。人老愈戀舊。而況眠食地。光景出造構。如藥合芬芳。如苗熟耕耨。黃髯繫湖湘。勝衣及顏皴。親懿師友間。興味溢醇酎。一別數春秋。江漢隻影度。頻歲望衡麓。雷雨悶靈岫。鬼祟缺詞林。奚止三豪覆。獨失張雨冊尤敬愛。淹疾罷砭灸。髯往撫牀榻。喘息懸晨露。張目喜視髯。短句俄爾就。扶寫墨欹傾。手紙髯淚透。果從犀角弟。楚秋尚書先數月薨逝此才恐難又。死友義獨留。經紀靡鱗漏。湘人結綢繆。託圖表耆宿。嗟余久是邦。同髯歷昏晝。笙簧應宮商。蘭芷接馨臭。十載隔俊游。萬劫保孤瘤。傳聞詫死生。追問匍匐救。披讀報裏足。但有安叢詬。

讀侯官嚴復氏所譯英儒穆勒約翰羣己權界論偶題

自有天地初。莽莽靈頑界。既久挺人羣。萬治孕變怪。聖哲亦何為。扶生掖凋瘵。其義彌亭毒。日震
聾與瞶。吾國奮三古。綱紀匪狡獪。侵尋組糟粕。滋覺世議隘。天閼縛制之。視息偷以憊。卓彼穆勒
說。傾海挈眾派。砥懦而發蒙。為我斧天械。又無過物憂。繩矩極顯戒。萌芽新道德。取足持善敗。復
也雄於文。百坐竭一噉。揚為燄日光。吐此大塊噫。立思控孤誼。餘痛託紹介。挑鐙幾摩挲。起死償
風快。

為濮青士觀察文題山谷老人尺牘卷子

我誦涪翁詩。奧瑩出嫵媚。冥搜貫萬象。往往天機備。世儒苦澀硬。了未省初意。麤迹掃毛皮。後生
渺津逮。書何獨不然。筆法摹訛偽。九州炫賸本。蛇蚓使眼眯。巖搨亦損真。畧具銀鈎勢。望古忝邑
子。遺墨期搆致。鄰寺守傳幅。號稱小三昧。髣髴轉郡國。坐失摩挲地。屬聞散人家。居奇千金利。濮
吳騷雅宗。襲珍辱持示。阿誰乞伽佉。想見娛遊戲。風日發光妍。珠璣蘊溫粹。宛窺虞柳全。漸拾羲
獻墜。鋒銳斂冲夷。乃副儒者事。取證內外集。波瀾與莫二。得此誇家難。政通適寤寐。後有五百年。
永寶十行字。劣詠污敗毫。憑叟哂以鼻。

夏劍丞太守見示元旦頌春辭次韻奉酬

別墨蝨九流。微管尸一匡。已纏釋孔懷。孰躡其中藏。大造怒設施。燿若萬弩張。機穿幻華屋。藹藹
調笙簧。蓬髮爾何人。桃擲傀儡場。涕泗孽荒冥。騰身據中央。手摘海王星。環顧非我鄉。蹴落黑彈
丸。遂圯東西洋。其間富怪物。種族稊米糧。吐沫浮金銀。晃曜難具詳。天池九萬里。安得從相狎。羣

兒拍掌噪。我有劍在牀。藐彼萬醜類。攫之為嬖嬖。次第挂鯨牙。盲風挾決決。大陸化魚鼈。當道猶豺狼。元辰豁雪晴。兀坐聽煮湯。遽君頌春作。泣下反數行。正眼不忍視。憤悶捫杯漿。偉哉民學說。虔禱揚馨香。擬報倍譎辭。劣凡同栖皇。

秋日同李亦元刑部楊彥規薛次申兩觀察泛舟玄武湖作

世稱玄武湖。菱藕一都會。兩載落江南。超超未渠視。嘉辰秋景澄。挾侶競聯轡。綠楊包城郭。潑眼亂晴翠。呼船葭葦叢。孤棹夷然逝。其時巨漲縮。萬荷風破碎。洲顯橢圓形。泓有斗落勢。獨憐紅蓼花。掩映容舳地。俄頃出灣洄。百雉明烟際。倒影浸鍾山。天霄狎篷背。日涵波氣香。陶陶暖吾意。水鳥化漁翁。僂僂自相戲。躑躅始暱近。熟視復驚避。野橋步偃蹇。柳徑遂通寺。欄楯界虛無。坳堂芥誰置。漫傾壺榼餘。幾擅魚稻利。層樓納飛光。千里颯涼吹。空天蟠秋聲。搖颺松竹氣。冥心治亂初。搔首雲水外。歸歟脫蝸角。幽興造端最。更尋半山亭。迷途折輿隸。嗟公經國謨。久為世唾棄。孰通萬方畧。以復三代制。時危緬遺蹤。攀望獨垂涕。回謝鷗鷺羣。斜陽戀執袂。流塵一俯仰。夢痕了難繪。

過安慶懷姚叔節

海濱一覲君。顏色頗幽瘁。自言興鄉學。志願百不逮。譬彼治園圃。羣卉見芽穉。培護不中程。衆芳滋蕪穢。又如調駒犢。良者拔騏驥。驅駕就夷塗。千里靡頓轡。自非致通儒。柄持擅利器。爬剔而長養。萬品何由遂。當世嚴復翁。所蓄涵道藝。冥解天人機。熟貫中西事。取以代盲聾。庶用修廢墜。昕

夕造寄廬。導師援頌義。引避中然疑。百請艱置喙。吾道其非歟。作計端匪細。愴怛極煩煎。雞號厯失寐。子幸察區區。久莫我遐棄。鞭後挽使前。勉將父老意。余聞廢書歎。語語出肝肺。凡今章句徒。擁座各予智。誰能忘飢渴。牽攀圖化誨。演繹澈表裏。傾吐燕閒地。動容酬激昂。幡然改初慮。君時排闥入。喜氣溢眉際。從茲斷大匠。謂可告無罪。騰書報上官。持酒慶多士。余亦有升聞。聽睹日歧異。仰天自成嘖。縮手那知措。孰非血氣倫。嗟君用心摯。宵舟過城郭。顏汗雜涕泗。憾未涉君藩。企瞻但捉鼻。

黃澤生忠浩承詔以候選道改授狼山鎮總兵喜故人始膺殊典張觸今昔述為斯篇

我初識澤生。予于長沙市。短少精悍姿。蓬勃塞霞綺。城南校經堂。燈火羅髦士。文學富穰穰。呻嚶

就案几。談兵好大言。君與杜五耳。

謂杜雲秋

而我相諧嬉。頡頏誇爪觜。邀邀每晨夕。飲啖恣脾睨。東街

買豚蹄。西市斫魚尾。南園供瓜蔬。北巷賒醬醢。滿堂八九人。謹吸翻甕螭。或為鸛鶴舞。或效獼猴

跪。或擊劍破柱。或灑墨浣紙。被醉踏廣垆。明月如潑水。雜沓據樹石。錯亂排泥滓。君時赤雙頰。仰天

立炭叢。飢鴉啄其頭。眼眇髮盡指。扶掖到敝廬。倒枕斲尺咫。中宵映燭坐。謝我謂幾死。薑茗點腸

腹。掉舌更拊髀。指畫格鬪狀。捕盜同捕鬼。戲呼王璞山。鞞刀跳鄉里。不然溷伍伯。當官堪典史。大

笑億千場。歲序流電駛。杜既西入蜀。持燾駐一旅。旋領江南軍。控帶環壁壘。君於甲午後。憤慨足

摩搗。亦起糾隊卒。受隸鄂岳使。先公鎮沅湘。移君資扞抵。增募二千人。郊郭屯虎兕。侵尋十年間。

黃杜聲隆起。旌旄望江湖。氣勢掃稂莠。海內口兩雄。號為知兵矣。桂嶺久構亂。瘴箐孕蛇虺。出沒

陳

三

立

詩

鈞

肆攻剽。崩離壞網紀。兩帥躬持戈。合圍收折筭。戡定見端倪。兵叛又誰止。連陷數郡縣。所過盡掠燬。黔湘唇齒邦。勢欲決垣堦。果隴南顧憂。援師徵十倍。杜黃同被命。疾趨摩甲鎧。遮杜扼永柳。君獨入腹裏。裹糧越崎嶇。六月嗟勞只。俄傾闕穴中。殺氣騰砂礪。飛礮碎酋胸。賊衆遂披靡。說說一書生。咋死遏觸觚。九重嘉勇功。重鎮等賜履。酬庸安足論。異數劇可喜。國家積弱由。萬轍非一軌。敝制極不返。文武分途始。儒吏束手為。將率益偷鄙。鹵莽而睚眦。遑云襲歐美。方今窮無之。品彙在礪礪。酌劑破藩籬。因君為嚆矢。我聞雜涕笑。發軔視騶駟。兵法百十家。蕩蕩學之海。精能通鬼神。取諸其鄰是。所願應運興。浮厲雪國恥。刻鉏驕吝萌。益進探根柢。回易舉世慮。為仁信由己。天地有與立。庶幾兆端此。叢螢聽疏疏。高鴻去遷遷。老嫗將寸心。且持訊杜子。

端午淮舫集

蒲艾溪風香。攜客作端午。千艫亂鳬鷺。數點江南雨。
一水雜歌呼。萬窗圖仕女。鐙火虛空飛。欲搖醉魂去。

壬寅長至抵靖廬謁墓

天乎有此廬。我拂蒼松入。壁色滿斜陽。照照孤兒泣。
登樓望高墳。微醉草木氣。一片好山川。冥然接寤寐。
幾日酹春風。兒歸又長至。荒茫五洲間。餘此呼籲地。
國家許大事。長跼難具陳。端傷幽獨懷。千山與嶙峋。

貧是吾家物。寧敢失墜之。江南可憐月。遂為兒所私。
大孫羈東溟。諸孫解西史。三齡稚曾孫。伊嚶學兄語。
小立風滿山。默禱淚如瀉。萬古落心頭。仍卧靖廬夜。

春晴步後園晚望

柳縫殘陽紅。草上殘陽白。提攜雪色兒。圍坐池邊石。
園枝微欲繁。野菜已可齋。閑閑牆外聲。人語烏鵲語。
鬢絲是何物。影我春風前。脫袂拂寥廓。晴天橫紙鳶。
吾意不可裁。倏與片雲暝。莫忘灌園翁。手斲蓬蒿徑。
簇簇枯蘆堆。望望霞燒處。魚沫吹人魂。悄悄從此去。

夜舟泊吳城

夜氣冥冥白。烟絲窈窕青。孤篷寒上月。微浪穩移星。
鐙火喧漁港。滄桑換獨醒。猶懷中興畧。聽角望湖亭。

樓坐日暖時見山蜂飛游

山暖蜂相照。林深雉欲高。春能留太古。天自養纖毫。
巖壑光初定。田園意亦勞。溫風到杯酒。分去作松濤。

園居看微雪

初歲仍微雪。園亭意颯然。高枝喋鵲語。欹石活蝸涎。凍壓千街靜。愁明萬象前。飄窗接梅蕊。零亂不成妍。

晴舟過樵舍

岸柳髧都盡。江波暖自翻。大魚同我上。孤鶩際天存。霜鬢搖旗影。鄉心照酒尊。忙閒定誰解。三宿已無痕。

海上

電絡烟幢下。輪蹄沸酒腸。萬華穿蜃氣。一擲接蛟鄉。幻影初相雜。游魂故不祥。神山風引去。還我海茫茫。

對月

藹藹春城月。輝光初酒尊。窺簾新婦韻。棲石定僧魂。河漢誰能掃。鷗鳥也自馴。獨憐溪上叟。謂季清溪搜句坐梅根。

雨夜偶書

秋氣無高下。衰衰夜雨中。一涼能定夢。萬聒與翻空。添字鐙檠故。花源病榻同。笑憑足三刖。執帚號癡聲。

王家渡

猶記一枯樹。風波得繫船。霞燒山盡赭。沙淨月初妍。饑鷺銜魚過。歸鳥逐鴈懸。閒閒認秋草。祇有

夢如烟。

秋晴園景絕麗散步有作

隱几無餘事。開門祇自賢。池塘浮鏡暖。亭館洗秋妍。細蝶晴能數。飢鳥下可憐。閒吟尋履迹。用意與誰傳。

閒邸鈔前安徽青陽知縣湯壽潛著賞道銜署理兩淮鹽運使湯本故人也驚喜有作

湯子聲名久。為儒肯自憐。飛書萬行淚。卻聘五湖船。歲晚看人怯。時危覺汝賢。稍關朝野事。矚視轉茫然。

喜鄭蘇龕遷四品卿沈愛滄除順天府尹遂有此句

酒邊餘二子。江海震驚之。各有攀天夢。寧為此世知。洵洵安所定。耿耿果能奇。士氣支天地。吾言未敢私。

文芸閣學士同年輓詞六首

病起看雲過。書來對淚垂。

八月二十八日得王木齋書報君噩耗

車船初躍去。骨相亦奚為。士有推傷死。天餘慘澹

窺。還家渾是客。海色引孤兒。

君之子公達方羈上海

握槩隨鄉隊。鳴鞭蹴國門。狂言人盡避。大嚼日相存。江海空能返。魚龍不可捫。當時於爪觜。兩兩

倒歌尊。

果慶得人盛。聲名為帝知。張華陪禁近。陸贄職論思。感激維危局。蒼黃斬亂絲。獨憐顏咫尺。瀝血

摘奸欺

元禮終亡命。邠卿辱大儒。孰傳鐘室語。幾索酒家胡。禍釁機先伏。烟濤夢自孤。光芒接三島。

君曾游日

本留得口中珠

流畧久湮淪。羣喧妬道真。校文向敏後。隨筆孔洪鄰。雙樹從微喻。孤蓬更暫親。枕中宗教記。搜證

恐無倫。

今歲四月與君由南昌同舟抵金陵得聞所著雜記中有述宗教數卷可謂奇作

陳次亮劉錫仲

恨俱逝。汝亦蛻江山。鄉國數羣彥。縑塵懸舊顏。仰天成嘆喑。託世化戎蠻。衰疾吾

安適。含悽祇閉關。

觀日本優場雜舞

轟轟竹竿承屋椽。一人插肩屹如山。一兒猱升據其顛。盤辟撇擻擊風雷。旋趾箝竿尾反側間。縱軀橫伏翼兩拳。銜擲錦帕落九天。四無依倚危哉艱。須臾滿堂聲颯然。戈壁萬里一兒前。荒忽穹冥撲飛仙。翻項掀臂凌虛懸。躍就一繩卧作氍毹兒。爭投恣所便。頭脊尻掌相鉤攀。或若垂瀑或拖烟。霹靂破柱虹飲川。又有一兒勢孤騫。嶄巖廓落迷歸年。一兒仰足天梯連。倒影下壓舞蹁躑。歲粧寶蓋立華鬘。眩亂變滅萬目憐。嗟汝狡獪誰為傳。

除夕被酒奮筆寫所感

紀年三十日已除。兒童鵝鴨相喧呼。高燭照筵雜羹餅。被酒突兀增長吁。國家大事識一二。今夕何夕能追摹。西南寇盜累數載。出沒蹂躪驕負岵。東盡黃河北嶺微。蛟鯨搏噬豺虎趨。雌雄彼此

迄未決發祥郡縣頻見屠。羣島萬苗益黷我。陰陽開闢方齟齬。當今事勢宜不瞭。奈何餘氣同屍居。自頃五載號變法。鹵莽竊剽滋矯誣。中外拱手徇故事。朝暮三四給衆狙。任蒿作柱亦已矣。僵桃代李胡為手。宏綱鉅目那訾省。限權立憲共擲瑜。何況疲癯塞鈞軸。囁嚅洶湧別有圖。剗肉補瘡利眉睫。舉國顛倒從嬉娛。公然白日受賄賂。韓愈所憤猶區區。吾屬為虜任公等。神明之胃嗟淪胥。極念禹域數萬里。久擲身命憑鞭驅。朋興衆說有由致。欲掃歧異歸夷塗。士民覆幕出至痛。地方自治營前模。事急即無萬一效。終揭此義開羣愚。歲時胸臆結壘塊。今我不吐誠非夫。聞者慎勿嗤醉語。點滴淚血霑衣襦。

為子培題姚雲東文字飲卷子

十牛鳴地懸輿區。續續岫嶺銜舳舻。潑墨蒼林陰古色。醜枝盡靡雲氣麤。世間真有仙村在。著此二三山澤癯。搜攬怪迂吐光景。野服污酒閒投壺。有託而逃適已適。定忘漢魏遊黃虞。我返西山數椽屋。陂長壑暝聊可摹。楓根命酌亦徑醉。但欠素侶相嬉娛。樵老牧兒躑躅下。挽繩弛擔同朽株。絮語城中頃構難。變起倉卒駭汗趨。杯酒爭言易與耳。縣尹頸血凝盤盂。入聲雨聲亂白晝。祇廟一炬天模糊。流傳里耳雜真濫。刺入肝膈增微吁。卻念使君好腰腳。追陪尊俎奔泥塗。空尋安施噤不得。舉足左右成賢愚。偏處險巖古未有。坐對官燭掀髭鬚。猥出畫本指勝地。萬態弄眼窺關渠。公手濁醪腹詩書。把臂荒倉真吾徒。老藤挂石蛇所都。沸蜩木末聽笙竽。擺落牆尾揚輕裾。亭子誓索魑魅居。強公同憂緩須臾。狀醉更咲宗武扶。溪風浴筆滿意緒。掃盡百道松聲無。

由靖廬寄陳芟潭

凡二十年泰和丞。天窮不免荒江微。鬢鬚雪霜胸崛奇。日倚快閣但坐嘯。衣裘污敝履決穿。縫甕稱身訝奇妙。鄉氓指作賣卜翁。又誤官舍呼僧廟。廚乏蔬米躬灌園。隸卒逃亡鼠竄眺。時摹金石詠江山。亦用畫筆競炳耀。結舌公堂立木雞。縣尹領頤簿尉笑。丞哉丞哉何許人。澄海陳君老非少。自從君久懸僻壤。吾亦轉徙如鷹鷄。流傳文字一賞之。襟期涪翁有同調。前年朝政按黨錮。父子幸得還耕釣。分應親故不相收。萬口訾謗滿嘲誚。獨君放船就游行。感昔傷今談舌掉。無何昊天示災凶。坐使孤兒仆且叫。昏昏泣血西山廬。奔忙重辱君臨弔。尋聲索迹行哭悲。助喪成墳費量料。先公賓客散九州。君也風誼特清劬。爾時北亂逼京闕。西巡方下哀痛詔。臣民悔禍露機緘。公卿陳言仍竊剽。君論時變究新法。動得本根中竅竅。提攜孤憤到荒山。更剖大義督不肖。瑰才自合老卑冗。安問蹭蹬失津要。今來榆柳換春風。滿目川原坐孤悄。雉鳴鴉啼朝暮間。思君謦額渺雲嶠。國憂家難正迷茫。氣絕聲嘶誰救療。巖坳水涯明月空。共君肝膽一來照。

溪舫春影圖集者為菽庵閣學師陶齋尚書蘇堪提刑樂庵工部康伯梅癡劍丞三觀察子勤植庭兩太守暨余凡十人

大者鯤鵬小斤鷄。各乘天運相遨嬉。披襟散髮對風物。猥肯齷齪同醢雞。江南况饒山水窟。當春草樹交芳菲。閩嶠丈人命游屐。詔以弟子從其師。探歷橋渠越堞坂。衆巒殊壑籠朝曦。鍾山氣變最葱蒨。輦道策蹇穿烟霏。艸間石像未剝蝕。布列犀象爭瑰奇。孝陵慘澹數百載。龍盤走勢猶見

之歸途折入半山寺。溪泉瀲灩鳴城隍。緣坡構架蔽叢木。小憇腰脚醒肝脾。萬古一墩俯樵牧。尚
想倔強蹲孤巖。啼鴉引步蜂蝶伴。鑑園在眼觴榼隨。頓出聲確就夷坦。綴英紫翠環參差。臨流有
會騁逸興。橫舸取影嵌玻璃。主客次第暱篙檣。瀾漪蕩漾山風吹。尚書幹略匡時危。吾師汪汪千
頃陂。鄭卿鋒棱斂頤頤。玩世工部霜雪髭。餘子各負騫騰姿。各毗狂狷各瘠肥。孤生折漈號樗散。
更倒澗壑供點嗤。萬牛不博徑寸效。身手慙與羣賢躋。凌烟生面待藍本。渴羌但解漿流匙。紀遊
餞別夕陽裏。一霎勝趣難摹追。

題張李直荷鉏小照

許行學派開天下。振古無人識緒餘。獨契微言張季子。昇平持世一耰鉏。
墾牧經綸世已傳。爭看酒海佩烏捷。等閒覓食蛟鼉側。儻為余留二頃田。
為德益三題美人對鏡圖

脈脈情思嫋嫋身。蟠天際海為誰顰。青鸞飄盡黃鸞寂。留得花前共命人。
山行至冷水坑觀姻家卜葬處口占

碾徑柴車伊軋聲。閒看空隴據柁枰。一襟僵蹇雨鳩喚。終覺西山不世情。
菜花黃白杜鵑紅。鬢影疏斜深谷風。我自尋源斷藤蔓。鳳唳龍爪亂雲中。

十六夜水軒看月

昨夜孤篷微雨寒。窺人今肯近闌干。一池春水明如鏡。留與江南兒女看。

掩映霜痕深竹叢。茫茫霧鬢畫樓東。更堪玉笛關山上。照盡飄零處處鴻。

放晴又雨作

喧風欲起牆頭鵲。暗雨又隨門外驢。留與吳儂作春夢。驚寒說暖不關渠。

次韻答寄禪上人海上見寄

碧湖花雨照迷津。十五年前挾老筠。

各湘時屢與郭筠仙侍郎諸公同集碧浪湖詩社

石火光中吾未死。乾坤毀後汝何

人。

縹緲潮音倚雉聞。樓臺歌嘯隔靈氛。虬鬚白足自來去。想得袈裟生海雲。

納蘭容若小像題詞

拓戟門楣椒幄親。過江風貌照麒麟。微憐開國射雕手。喚作詞家第一人。

博得吟身絕塞還。飄槍杆白氣如山。傳經心事無人識。偶列後堂絲竹間。

弱冠才華禁蘖知。芝蘭不數謝家兒。至今瓊醕思公子。都唱當年側帽詞。

漢家無復獻長楊。鳳靡鸞吡事事傷。終覺育長影亦好。幾污煤尾數滄桑。

王木齋見過話海上舊游

凍溜垂檐雪暗篝。上衣小火證前游。海潮一角鐙千樹。攜盡啼魂結蜃樓。

鶯燕黃鸝相逐飛。香塵十里綠陰肥。輕雷初在樓臺外。閒數胡雛緩緩歸。

翠篴塵鬢絳數脣。宛宛游龍萬態新。偏映酒杯餘此老。按歌聲裏究天人。

謂與嚴又公同飲事

玲瓏小閣騰嬌嗔。費盡才華賦洛神。多謝相知不忠厚。妝臺留看海揚塵。

桀林五十生日賦贈六首

初憶逢君蛻宅邊。

長沙周氏蛻宅。即唐劉蛻故宅。

圓瓊瑤玉佩接華筵。江南再見垂垂老。各撫頭顱五十年。

曾聽鳴鐃天山下。更看飛鷹黑海西。叱咤風雲九萬里。閒來肝膈自提攜。

方丈蓬萊了可攀。樓船持節氣如山。神丹受得青童秘。散落人間只等閒。

滔天禍水龍蛇動。插血盟言雞犬安。畢竟功成不受賞。後人端作魯連看。

朱家郡國尊游俠。杜牧平生有罪言。二流傳在天地酒酣耳熱與誰論。

餘事還驚世上兒。倒流江海濺霜髭。英雄自有無窮世。起看瀛寰舉一庀。

人日

尋常節物已心驚。漸亂春愁不可名。煮茗焚香數人日。斷笳哀角滿江城。江湖意緒兼衰病。牆壁公卿問死生。倦觸屏風夢鄉國。逢迎千里鷓鴣聲。

月夜

纖月亭亭履迹新。九霄風露在流塵。獨看樓閣還明滅。初有江湖屬隱淪。覆水年華鐙下淚。改絃琴瑟鏡中人。閒情自愛機絲夜。惆悵牆梅報早春。

園居漫興

荷池蛙接砌蟲分。風滿虛廊隱几聞。對酒縱橫牆角雨。移涼破碎嶺頭雲。老夫所殉與終古。當世